

YAKOBO

Kukū Ko Di Yakobo Lakpana Nii

¹ Ami, Yakobo, wɔ ninle ni Yaa ku Saate Yesu Kristo kpemblate nikɔkpana kukū ko mmle nta aye Yuda batii lefosi nfaabi nnyɔ bafūbanute ba bamuu niesamii bisi ni kaayi ka mmle aba aba. Kɔseesa ye kafɔɔ.

*Nse Selaa Kɔwa Ye Di Suoto Biesie Di Ofu Onu
Kame Ku Suoto Leyɔɔ.*

² Babiloo, nse selaa ate ate kɔwa ye di suoto yi, bieta suoto siyɔɔ ye. ³ Diekye biye bile selaa se ninwa ye ni di suoto nsɔ ofu onu lee kunnyu. Nkpo oso nfe di otu okpee nwɛ ne. ⁴ Bita otu lee okpee kudiki suoto kutuo di sesaabla lee simuu kame ale biale batii ba newo ni nimu. Mmle okle leesalesaa dilaafī ye ni. ⁵ Nse ninumbe lefi otii owo kaame lee yi, ni aakaale Yaa, abayo antɔɔ. Diekye Yaa ndiki kafutu nɔɔ kame anta otii biala niɛkaale nwɔ lesaa di sibuale nɔɔ kame. ⁶ Kafɔɔ otii lele nikɔpɛ ɔlaa anta yi, dikpe ni eefū Yaa eenu. Dinaa ale disibu nɔɔ nse anyɔ. Diekye otii wɔ diisibu nɔɔ lesɛ ni anyɔ yi, nkpo ate fe lekpo ntu be kɔɔfɛɛfɔ nfe nintoofenko ni katoo ku kala ne. ⁷⁻⁸ Otii wɔ diisibu nɔɔ lesɛ ni anyɔ di ɔsaabla nɔɔ diete ni tinini, atantika anu ale abafū lesalesaa ankyeko Saate nwu nfū.

Basaawente Ku Bapiite Nnyilakɔ Lema.

⁹ Nse Yaa lətakatesa ofūonute wɔ ninle ni piite katoo yi, aata suoto siyɔɔ. ¹⁰ Nkpo

okle kaf   nse Yaa l  wakosa of  onute w   ninle ni saawente kass   yi, aata suoto siy   c  n w   ne. Diekye saawente obe mafe fe mmle okle di   fa atoto nkpa ankpete ni kaas   ne. ¹¹ Fe mmle kuuf   ndie ni ku abe kumpe ni   fa, leetoto n  c  ny c  n ninkpa nimpe ni kaas  , seele ni nwu n-yu nii, nkpo okle kaf   di saawente kamaw   di obe w   aky   oofe ni katoo ku kala di sekpe n  c   suoto ne.

C  s   Onyu Diekye Yaa Nf  .

¹² Suoto siy   otii w   nief   eenu ni eekpee ni osie di   s   onyu kame. Diekye nse nn  e diefee nw  , eefe kaame eeloo, Saate nwu mayo nkpa be ninnaa ni kaloo   laa w   eebue   et   ale abata ni otii w   nimb  mb  n c  n ni aant  fe letota. ¹³ Nse b  es   otii owo beenyu, atambue ale, "Yaa nf   di   s   onyu w   mmle lekye." Diekye lesalesaa dilaafuo Yaa   s   onyu ale abla okpile. Nkpo oso nw   omu cou kaf     ns   otii kuonwii aanyu ale abla okpile. ¹⁴ Kaf   otii ak  ns  kleesaa cou amu ninky  nky   nw   annanfi nw   aakpee di   s   onyu kame. ¹⁵ Nse ak  ns  kleesaa n  c   nwu nkpo ntoole nw   suoto kame yi, ni aambla okpile ne. Nse okpile nw   nkpo kaf   nt  c  r  , ninwako nw   kukpi. ¹⁶ Babiloo b  mb  t  , bitanta otii kuonwii laky  nky   ye di nle mmle suoto.

¹⁷ Letasaa biene lele ku n-ya buonya bul   eewo ni niimu lekye Yaa nf  . Otii w   ni  bla ni kuf  , kowente ku awenetr  bi anankyi ni diidii, fe mmle okle di osi asaa ya mmle nkyi di oyududu lenya mmunik   anta wo ni ditunu. ¹⁸ Nnw   ni  te diibiesaa n  c   kanya ale   ta wo nkpa di nwaako   laa cou nwu nkpo kame ale buakple   saabla finle di asaa ya   s  bla ni amuu kame.

*Olaa Biene Nwu Nkpo Onu Ku ɔyɔ ɔblako
ɔkpe.*

¹⁹ Babiloo bɔmbɔtε, binyuma olaa wɔ mmle. Otii biala apesewa ku olaa onu, kafɔɔ ate suoto ku lɛkakate. Atantɔɔnya ɔbɔɔ kafɔɔ wlawla.
²⁰ Diekye ɔbɔɔ ninta otii labla lesaa le ninte ni tinini di Yaa komie ale abla nii. ²¹ Nkpo oso bidie ɔsaabla lele ninɔɔlε ni onyu ɔbla ku nkpa kpile biala osie. Biawakosa suoto kasɔ bita Yaa, biemufū olaa nɔɔ wɔ εερε eekpee ye ni siitu kamε biklee, mmle okle dibata ale minwε ni didiki.

²² Bitanle olaa biene nwu banute lete, kafɔɔ biyi nwu bikpee di ɔkpe ɔbla kamε. Nse diele nkpo, ni suoto ko biɔkyɔnkyɔ. ²³⁻²⁴ Diekye otii lele nienu olaa biene wɔ mmle, anan-yɔ nwu akpee di ɔkpe ɔbla kamε, ote ate fe otii wɔ ninnyu ni suoto di awεwε kamε annya mmle okle ate nii, kafɔɔ nfanwu nse εεkyε eesifi, atooyee mmle okle ate nii. ²⁵ Kafɔɔ otii lele niebu Yaa kufiofa ko mmle niewo ni kunta ni otii didiki, eemufū kū eeklee di okyiini okpee kamε, ninanle ale onu ko eenu nwu eeyee yi, Yaa kamawii otii nwu nkpo ɔeyɔɔ di lesaa lele ɔɔbla kamε.

²⁶ Nse otii owo konyu ale eefū Yaa eenu, ananfuo okplalomii nɔɔ omufū oklee di lɛkakate kamε, ni ofū onu nɔɔ nwu nkpo lɛbla kasakasa, suoto ɔɔkyɔnkyɔ. ²⁷ Ofū onu wɔ di Teete Yaa konyu ale kuɔkpa ni kamε di okpile kuonwii diesi ni kaamε ninle ale, baanyu bakuebi ku bakpisɔfɔ diibuo lɛma kamε. Otii kadiki suoto kafɔɔ ankyeko asaa ya ninkpɔnɔnfɔsa ni otii nkpa kaayi ka mmle kamε.

2

Bitannyu Batii Di Anu Biabla Asaa.

¹ Babiloo, di obe wɔ bitoofū Saate loo Yesu Kristo wɔ ninle ni lɛkpa Saate bienu nii, bitannyu batii di anu biabla asaa. ² Bita buyɔ bulɛ batii banyɔ banwii lewa ye bawokaleɛkɔ. Onwii nle saawente εɛkpa dibula biene, eekpee kafɔɔ koto sɛele lɛkonii. Ḍonyɔɔfa kafɔɔ nle piite eekpee asaa kofole kρɔnɔnfɔɔ. ³ Nse biefukuti anu biɛta saawente nwu nkpo niɛkpa ni dibula biene biɛtɔkɔ nwɔ bile, “Lekoto nnya kasiɛkɔ lɛfɔ ninfū.” Kafɔɔ biɛtɔkɔ piite nwu nkpo bile, “Dila ninfa, ee basiɛ kaasɔ fukuti di nkpaatū nii ninfū.” ⁴ Biɔnya nii di nle mmle ɔbla kame diele disibu kpile biɛyɔ bikel biɛta lɛkanko minkpee kase di bawolee ntɛɛ?

⁵ Babiloo bɔmbɔtɛ, bikyɔɔ atoko bienu! Yaa lediki bapiite kaayi ka mmle εɛbla ma basaawente di Kristo ofū onu kame. Ale baawɛ Yaa sekə kalekɔ nwu nkpo ɔlaa wɔ eebue εɛte ale abata ni batii ba nimbɔmbɔ nwɔ nii. ⁶ Kafɔɔ biloobu bapiite! Diele basaawente nwu nkpo ninyinka ye mante kaasɔ, mankpaa ye mankyenko nkankɔ? ⁷ Basaawente nwu nkpo ninle batii ba kafɔɔ nimbuɛ ni selaa kpile di leyooto biene le biɛwɛ ni di Kristo kame ne.

⁸ Nse biele Yaa kufiofa ko bɛɛkpana ni di Kɔkpana Klekle kame beekyeko ni Seka kalekɔ nɔɔ nwu nkpo suoto yi, ni bibabla lesaa di osuku kanya. Bɛɛkpana ale, “Bɔmbɔ otii wo lɛfɔ fe afɔ omu lɛfɔ suoto.” ⁹ Kafɔɔ nse bienyu batii di anu di akleesaa nɔɔ suoto biɛbla asaa yi, ni bitɔɔbla okpile. Kufiofa nwu nkpo kafɔɔ ntooło

ye lepco ale biele kū. ¹⁰ Diekye otii lele niele afiofa nwu nkpo amuu εεtaale kunwii kamaa, atɔɔtaale abule. ¹¹ Diekye Yaa wɔ niekpee kufiofa ale, “Otii atankee ni asonc.” Nnwɔɔ nwu kafco niebuε ale, “Otii atanlo owo nɔɔ ne.” Nkpo oso nse faakpee asonc kafco feelo owo lefo kamaa, ni fatɔɔtaale kuofiofa ne. ¹² Lesaa lele bibabuee mimbla yi, binyuma bile kufiofa ko ninta ni otii ɔnyee ɔtε yi, nkū di Yaa mayɔ ankanko wo ne. ¹³ Diekye nse Yaa kɔkanko otii yi, alabanyɔɔ nyaami, nse otii nwu nkpo dienya bawo nɔɔ nyaami. Kafco nse εεnya bawo nɔɔ nyaami yi, ni Yaa kafco manyɔɔ nyaami.

Ofū Onu Di ɔkpε ɔbla Diesi Kaamε, Ofū Onu Fukuti Kule.

¹⁴ Babiloo, nse otii owo kobue ale akpe ofū onu, di ofū onu nwu nkpo diloodiki suoto kutuo di ɔkpε ɔbla kame, ofū onu nwu nkpo, ɔnwaa kule? Ofū onu nwu kafuo nwɔ odiki? ¹⁵ Bita buyɔ bulɛ babiloo sankobi bawo ee babiloo suɔtɔbi bawo niefū beenu nii, akleesaa lεma ntɔɔbebeε ma di suoto, banaa alesaa kafco boole. ¹⁶ Lemεnbiene ninsi kaamε, nse otii owo kaamε loo letkɔ ma ale, “Aye bitɔɔkyε, Yaa mawii ye lεyɔɔ, bibawε akleesaa minkpee, bibawε alesaa kafco minle, minanta ma asaa ya mmle niefī ma ni?” ¹⁷ Nkpo okle kute di ofū onu kame ne. Nse otii owo ale akpe ofū onu anan-yɔ ofū onu nɔɔ nwu nkpo akpee di ɔkpε ɔbla kame yi, ofū onu fukuti kule.

¹⁸ Kafco otii owo mabue ale, “Otii owo nkpe ofū onu, ɔbamba kafco nkpe ɔkpε biene ɔbla.” Kafco kɔtɔko otii nwu nkpo nle, “Adiki ofū onu nɔɔ wɔ di ɔkpε biene ɔbla diesi ni kaamε atuo

mi. Ami kaf   matuo nw   f   of   onu nii diefe ni di   kp   biene nii   bla kam  .” ¹⁹ Fef   feenu fale Yaa onwii lete ninkpe? Nkpo kute n  . Kaf   nyuma fale anwuna kpile kaf   lef   eenu. Nkpo oso anye  , antoot  t  k   n  . ²⁰ Buute! Foomie fale ndiki ntuo f   nl   of   onu di   kp   biene   bla diesi kaame of   onu fukuti kule? ²¹ L   diawa fie di Yaa lata   wa loo Abraham lebe? Diekye di   kp     bla n   oso. Diekye aay   obi n   Isak aatika di ole  ta akyikye suoto ale   cta ole anta Yaa. ²² Fl  onya fale of   onu n   ku   kp     bla n   niaky  ?   kp     bla n   niata ale of   onu n   lawo niimu. ²³ Nle mmle oso di K  kpana Klekle selaa se aabue aate ni lawa kaanya n  . Kuabue ale, “Abraham laf   Yaa aanu, of   onu n   oso, Yaa lat   lebe.” Ni di Yaa lal  s nw   ale siewo n   ne. ²⁴ Bit  onya nfe bile Yaa n  nnyu otii of   onu lete aat   lebe, kaf     kp     bla n   nkyakaa.

²⁵ Nkpo okle kaf   diawa di s  n  kpeet   Rahab suoto n  . Yaa lat   lebe di   kp   n     bla kam   di obe w   kam   aaf   Israel batii ba ninwofa man-wolaa ni asaa kam   k  f   leeyo n  , aakyakaako ma, aatuo ma ni osuku bamba baatoso baasifi nii.

²⁶ Nkpo oso, fe mmle nse ninwuna diesi di suoto sina kam   siekpi nii, nkpo okle kaf   di of   onu di   kp     bla diekyakaa yi, of   onu nw   nkpo lekpi n  .

3

Bilolaa   kplalomii Lee Binyu Nwaa.

¹ Babiloo, bitanta batii kpinwu kaame lee lakple basaatuot  . Diekye fe mmle okle biye nii, Yaa makanko awo ba ninle ni basaatuot   klekle

anlenkeesaa batii bule. ² Diekye obe kpi, awo ba dudu munlolaa asaa buabla. Kaf   nse otii owo nkpe anlolaa asaa ambla di selaa se ambue ni kame yi, ni eewo, anfuo suoto n   kaf   omuf   osie kanya.

³ Mun-y   ok   munkpee di p  nko kanya bule aaky   wo atoko, munfuo nw     kpaa   kyenko leba le ninle wo nii. ⁴ Binyu oklo di lekpo osi, mmle okle kuomua ni, ko  fe  f   siene ntuka nwu kunsifiko ni. Kaf   kakati biibii di oklo wante n-y   amunik  sa nwu anfenko leba le oomie ale kufe nii. ⁵ Nkpo okle kaf   di okplalomii nte n  . Nu kule lesaa biibii di otii suoto yi, asaa kple suoto kunkanta.

Binyu mmle okle leepoo lemu   ni, kaf     t   biibii ninfie nimuu. ⁶ Nkpo okle di okplalomii nte f     t   n  . Kule kayi ka mmle sikpile, kuof   kasi  k   di suoto loo sina kame, ku  kp  n  nf  sa wo ku sikpile. Kuokpee   t   di nkpa loo sit     kye kame ku   t   w   kuof   kuokyeko ni   t   w   nikofie ni kunaa ni kaloo kame. ⁷ Batii nfuo bab  k  s biala ninkpe kobe   bla many  c  , bakansie ku bab  k  s ba ninkp  k   ni kaas   ku k  kpaku di okle kame. Nwaako kaf   batii ntoofuo ma   bla b  ey  c  . ⁸ Kaf   otii kuonwii diifuo   kp  lalomii   bla kuy  c  .   kp  lalomii nkpe kobe, kuoyii p   ku sikpile ku adi ya ninlo ni otii. ⁹ Nnwu mun-y   muntansa Teete Yaa loo n  . Nnwu nwu kaf   mun-y   munkpaani otii w   di Yaa lebla ni leetembi n   kanya n  .

¹⁰ Kanya nwu kanwii kame diikusekuse ndie nii, nkanwu kame kaf   leekpaani ndie n  . Babiloo, dinaa ale ninte nkpo. ¹¹ Ntu dibio le

nikɔtaa ni ntu mɛnɛfɛle yi, ninkple diataa mba ntu diibio nwu ninwii kame. ¹² Babiloo, akpaloo dikumii dilaafuo nkū kowoso abi otika. Nkpo okle kafɔɔ di aketeku dilabafuo akpaloo otika nɛ. Nkpo oso yi, ntu dibiɔ le nintaa ni mba ntu yi, dilabafuo ntu mɛnɛfɛle okple ɔtaa.

Otii Wɔ Ninkpe Ni Yaa Ninumbe Nwakosa Suoto Kasɔ.

¹³ Nse otii owo nsi ye kaame akpe ninumbe ku lɛsonu yi, ni dikpe nii εewakosa suoto kasɔ, εεbla asaa biene εεyɔ eediki eetuo ale kubio akpe nimumbe. ¹⁴ Kafɔɔ nse ɔnumbɛbɛɛ kpile nsi ye siitu kame yi, bionyu lete lee lɔlɛ yi, ni bitanlaa biatika di nwaako ɔlaa nwu nkpo suoto biakanta di ninumbe lee nwu nkpo suoto. ¹⁵ Ninumbe nwu nkpo okle diekye Yaa nfū, kayi ka mmle kame diekye, diekye kafɔɔ di nkpa biene osuku suoto, anwuna kpile nfū diekye. ¹⁶ Diekye nfū di onumbɛbɛɛ nkpe nii, baatii kafɔɔ komie ale lete lɛma lele ninlɛ yi, lɛsɔtannu ku asaa kpile ate ate ɔbla ninwɛ ninfa. ¹⁷ Kafɔɔ ninumbe le niekye ni Yaa nfū yi, lɛkasale, diɛkpa. Ninwako atoko ɔkye ole, ninte otu kaasɔ, ninnu selaa nsɔ, dieyii pɔ ku nyaami ɔnya, nimbombɔ lɛsaa biene ɔbla, ninkpee kase baatii kame, selaa kuafunu kafɔɔ diesi nwɔ kaame. ¹⁸ Batii ba ninlolaa ni batii ntɛɛ manta ni atoko ɔkye ole yi, dite fe nkpa biene osie kubi bɛɛre.

4

Wakosa Suoto Kasɔ Fata Yaa.

¹ Be ninwako kalɔ ku kakpɛ kaamɛ lee? Diekye di akɔnsɔklesaa kpile ya nikɔkpɛ ni kaamɛ lee obe lele. ² Biomie asaa kafɔɔ bilɔɔwɛ. Nkpo oso bielolaa suoto bile biolo bawo, nkpo okle kafɔɔ biɔbɛbɛɛ anu baatii bamba asaa suoto bile biofū nya nɛ. Nkpo oso biɔlɔ minkpɛko bawo, kafɔɔ bilɔɔwɛ asaa nwu nkpo biomie nii, diekye bilɔɔkaale Yaa. ³ Nse biɛkaale kafɔɔ minwɛ, diekye disibu le biɔyɔ minkaale ni diele. Minkaale Yaa lessaa bile biayɔ minkpee suoto leyɔɔ. ⁴ Bile batii ba ninambla ni asaa di Yaa osuku kanya. Sɛɛ bieye bile otii wɔ nimbɔmbɔ ni kayi ka mmle asaa osie kanya ntookple Yaa lo? Otii lele nikɔbɔmbɔ kayi ka mmle ntookple Yaa lo. ⁵ Diele kasakasa oso di Kɔkpana Klekle Kukū lebue ale, “Yaa nkpe sɛsɔfɔwo di Ninwuna nɔɔ le ninsi wo ni kaamɛ oso.” ⁶ Kafɔɔ Yaa sibuale se eele wo ni lɛte sipo osie kanya. Fɛ mmle okle di Kɔkpana Klekle lebue ni ale, “Yaa nintunako batii ba nintakatesa ni suoto katoo, kafɔɔ anle batii ba niɛwakosa ni suoto kasɔ sibuale.”

⁷ Nkpo oso biwakosa suoto kasɔ bita Yaa. Bieyila di Abonsam suoto, ni abatoso ye di ɔlɔɔkɔ. ⁸ Bikpukuti bikaako Yaa, di nnwɔɔ kafɔɔ akpukuti akaako ye. Aye bakpileblate, bifoto nnɛɛ lee bidiki siikpile ɔbla kamɛ. Aye ba kafɔɔ diisibu lee lɛsɛ ni anyɔ, bikleklesa situ lee. ⁹ Bita dibuo ye suoto, biebuo sɛnyaami, biewi kaku. Bita sema lee sikple ye kaku owi, bieta suoto leyɔɔ lee kafɔɔ dikple ye sɛyaami. ¹⁰ Biwakosa suoto kasɔ di Saate nwu anu, ni babatakatesa ye katoo.

¹¹ Babiloo, bitansimbue selaa se ninansiɛko

ni baawo suoto. Otii wɔ nimabue ni ɔlaa wɔ ninansiɛko ni di owo cɔu wɔ cɔu niefū eenu ni suoto ee εεkanko nwɔ ni yi, ni atoobue ɔlaa wɔ ninansiɛko ni kuufiofa nwu suoto ee εεkanko kū. Nse kufiofa nwu kafɔɔ feεkanko yi, ni faasinle kufiofa nwu nkpo letε, ni kante nikū nfε fale. ¹² Yaa lete ninle kufiofa kpeete ku kante. Lete nɔɔ ninfuo otii nkpa ɔta, anfuo otii kafɔɔ ɔwɔcɔsa. Nkpo oso fanaa osuku ale fankanko owo lefɔ.

Bitankanta Di Kɔsεε Ko Nikɔwa Ni Suoto.

¹³ Nunua yi, binu! Aye ba nimbuε bile, "Mie ee kɔsεε bubakyε okpoo kplε munaasiε ninfa lεlεε ninwii, mumbla ɔkpε mummie koto kpinwu."

¹⁴ Kafɔɔ bieye kɔsεε kale ka nimase nii. Nkpo ninkpa lee nte fe kɔyɔ ne. Kunkycɔ di obe kakui kame kunyε. ¹⁵ Nkpo oso nse biobue ɔlaa fe nwɔ mmle okle yi, biabue bile, "Nse Yaa letuna, bubasiε nkpa mumbla lesaa le mmle ee nninkpo." ¹⁶ Kafɔɔ nunua biεtakatesa suoto katoo biɔkanta. ɔkanta wɔ mmle okle kafɔɔ diεlε.

¹⁷ Nkpo oso otii wɔ ninye ni lesaa biene ɔbla fie anambla ni yi, okpile kule kutɔɔ.

5

Aye Basaawente Biyɔ Nle Mmle Bika Suoto.

¹ Aye basaawente, binu nfε. Biwi kaku ku senyaami ta dibuo kplε le nikɔwa ye ni di suoto oso. ² Lesaawε lee nwu nkpo ntɔɔto, bakunsū kafɔɔ ntɔowee ye abula. ³ Koto seεle lee ku kufututu ntɔɔpε kɔsanka. Kɔsanka nwu nkpo kodiki nintuo ale bitookpi lepɔɔ. Kɔsanka nwu nkpo kamawee ye suoto sina sinfiε fe

ওৱা. Diekye biesiisa lesaawé bieté ayi yentéle ya mmle. ⁴ Binyu lo! Bakpemblate ba biékpaá biesifiko ni afe lee, biesí bile bilcota ma ni ato yi, binu mmle batcocyó ni ɔlaa di suoto lee ku kaku. Bakpemblate nwu nkpo kaku kafcɔ́ ntoobuo di Yaa wɔ́ ninlenke ni atoko kame. ⁵ Birole nkpa kaasɔ́ ka mmle suoto min-yɔ́ asaa ya niefū ni kɔya minkpee suoto, suoto ɔeyɔ́ obe lele. Birole alesaa kafcɔ́ minsie lela minta olo. ⁶ Bialo batii ba nintabla ni okpile lerpɔ́, bialo ma kafcɔ́. Batataka baayila ye di suoto kafcɔ́.

Bite Otu Kaaso Bierę ɔlaa Bita Yaa.

⁷ Nkpo oso babiloo, bite situ kaasɔ́ bues dilaase di dii le di Saate nwu nkpo mawa ni. Binyu fekpente ee! Ante otu kaasɔ́ bues ansoko kabiene ku kɔkyee kanto di obe wɔ́ oonyu osuku anta ni alesaa biene ya abawé ankyeko ni kofe nɔ́ kamę. ⁸ Nioso aye kafcɔ́ bite situ kaasɔ́ bues laakpanwu. Bitanta nnɛ́ lafee ye, diekye Saate nwu nkpo ɔwabee ntɔ́teetee.

⁹ Babiloo, bitankakate baawo suoto, mmle okle di Yaa dilaakkante ye nii. Diekye kante nwu nkpo ntɔ́teetee, nfe abakyɔ́. ¹⁰ Babiloo, binyuma Yaa ɔlaa babuetete ba niabue nwɔ́ ni ɔlaa mmle okle baakpee ni situ di abuo lema amuu kame, bita bale ɔtē onyu bata wo. ¹¹ Munlɛ́ batii ba niakpee ni situ bule dikusekuse batii. Bitoonu mmle okle di Hiob late ni otu kaasɔ́ ku mmle okle di Yaa latcɔ́ ni abiesaa nɔ́ kaayentelekɔ́. Diekye Saate nwu leyii pɔ́ ku sifutule ku nyaami onya.

¹² Babiloo, lesaa le niefī dilenke kɔtɔ́kɔ́ ye ni ninle ale, nse biobue ɔlaa bile bibabla lesaa yi, bitanlɛ́ lesalesaa, osi woo, kasɔ́ woo, ee lesaa

bamba lewo. Nse ɔlaa wə foobue ni nte nkpo yi, buε falε, "Yii," nse kuote nkpo kafɔɔ, buε falε, "Oowo," mmle okle di Yaa dilaalo fɔ ni lεrɔɔ.

¹³ Nse otii owo kaame lee nsi diibuo kame yi, aape ɔlaa ata Yaa. Nse suoto kɔyɔɔ otii owo kafɔɔ kaame lee yi, aasa katansa sinu ata Yaa.

¹⁴ Nse otii owo nsi kaame lee oofie yi, aakpee baleε bafubanute dikudi nwu nkpo batunletε batɔɔ, baabare ɔlaa bata Yaa diisi nɔɔ, baafifia nwɔ nnɔnyi di suoto di Saate nwu leyooto kame.

¹⁵ ɔlaa ɔpe ɔta nwu nkpo bεεre ni di ofū onu kame mata ofie nwu nkpo nyɔɔ nwɔ. Saate nwu nkpo mata fiεtε nwu nsie. Nse εεbla okpile kafɔɔ, Yaa kamayo okpile nwu nkpo ankye nwɔ.

¹⁶ Nkpo oso bidiki sikpile lee bitɔkɔ bawo, biεre ɔlaa bita Yaa baawo disi, mmle okle di Yaa mayɔɔsa ye ni sifiε. Otii wə ninte ni tinini di Yaa kame ɔlaa ɔpe ɔta mbla sekpe kpi. ¹⁷ Elia yi, otii aale fε mmle okle di awo kafɔɔ bute nii. Aape ɔlaa aata Yaa osie kanya ale kanto atannɔɔ. Nwaako kafɔɔ kanto ditanɔɔ aleε atiε kү awenεtε akwɔ. ¹⁸ Nni nkpo semaa, aakple aape ɔlaa aata Yaa kanto lakple aanɔɔ aakpete kaasɔ asaa lakple aale.

¹⁹⁻²⁰ Babiloo, nse otii owo kaame lee lekple di ofū onu nwu nkpo nkpaamaa, di onwii lee lekple εεlaakpaa nwɔ εewako yi, ni atoodiki otii nwu nkpo nkpa eekyeko kukpi kame. Binyuma nle mmle bile, otii lele niediki kpileblate eekyeko sikpile nɔɔ kame, atɔɔta Yaa leyɔ otii nwu nkpo sikpile kpинwu εεkye nwɔ.

Yaa Kanya Ninii Fole Selεε

Selεε: Yaa Kanya Ninii Fole Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6